

## Lai - Khamhnak Cathiang - Salvation Scriptures

Efesa 2:2 Cu lioah cun vawleicung phunglam òhalo kha nan rak zul; van le vawlei kar i a ummi thlarau òhawnnak uktu nawl kha nan rak zul; cu thlarau nih cun Pathian nawl a ngai lomi kha atu cu a uk hna.

Matthai 6:10 Na pennak cu rung tlung ko seh, Vancung ah na duhnak an tuah bangin Vawlei cungah hin tuah si ve ko seh.

Luka 22:42 "Ka Pa, na hna a tlak ahcun hi hrai hi ka òhialpiak ko.

Sihmanhsehlaw keimah nawl si loin nangmah nawl si ko seh," tiah a ti.

Johan 16:7-9 Sihmanhsehlaw biatak kan chimh hna: ka kal hi nan caah a òha deuh, zeicahtiah keimah ka kal lo ahcun Bawmtu kha nan sinah a ra kho lai lo. Ka kal ahcun amah cu nan sinah ka ratter lai. 8 A rat tikah vawleicung mi kha sualnak an ruahning le zeidah a ding ti an ruahning le Pathian nih bia a kan ceih lai ti an ruahning i an palhnak kha fiang tein a hngalhter hna lai. 9 Keimah an ka zumh lo caah hin sualnak kong ah an palh;

2 Timote 2:10 Cun hi vialte ka innak hi Pathian nih a thimmi hna zawn ka ruah caah a si i Khrih Jesuh thawngin hmuhami a sunglawimi le zungzal in a hmunmi khamhnak kha hmu hna seh ti ka duh caah a si.

Rom Cakuat 15:20,21 Ka saduhthah cu Khrih an theih bal lonak hmun i Thawngòha chim kha a si zungzal, zeicahtiah midang i a hram an rak thawk cianak hmun i va sak cu ka duh lo; 21 Cathiang nih, "Amah kong an chimh hna lomi nih khan an hmuh lai i a hngal lomi nih khan an hngalh lai," a ti bang khan a si.

Lamkaltu 2:36,37 "Israel mi vialte hna, nannih nih vailam tahnak thing cungah nan khenh chihmi Jesuh hrimhrim hi Pathian nih Bawipa ah le Messiah ah a ser cang, ti kha fiang tein hngal u," tiah a ti. 37 Hi kong kha an theih tikah an lungthin a hriah ngaingai hna i Peter le lamkaltu dang kha an thawh hna i, "U le nau hna, zeidah kan tuah kun lai?" an ti.

Hebru 4:2 Annih nih an rak theih bantuk khan, Thawngòha cu kan theih cang. Sihmanhsehlaw an theihmi bia kha zumhnak in an cohlan duh lo caah an caah zeihmanh a òhahnem lo.

Jeremiah 24:7 Keimah hngalh khawhnak lungthin kha ka pek hna lai, zeicahtiah keimah cu Bawipa ka si; an lungthin a dihumnak in keimah sinah an kir òhan lai caah annih cu ka mi an si lai i kei cu an Pathian ka si lai.

Lamkaltu 16:14 Cu hna lak i kan bia a theimi pakhat cu Lidia a si, amah cu Thiatira khuami a si i maimaw puan a zuarmi a si. Amah cu Pathian a biami nu a si i Paul nih a chimmi bia ngaih awk caah khan Pathian nih a lungthin kha a hunpiak.

Matthai 13:14,15 Cucaah cun profet Isaiah nih a rak chimmi kha an kong ah hin a tling. Zeitindah a ti ti ah cun: ‘A ngaih cu nan ngaih len ko lai, sihmanhsehlaw a sullam nan hngal lai lo; A zoh cu nan i zoh sek ko lai, sihmanhsehlaw nan hmu kho lai lo. 15 Zeicahtiah cun, hi mi hna hi an lung a khong cang, an hna a pit i an mit kha an i chinh. Cuticun rak si hna hlah seh law cu an mit nih khua a hmu hnga i an hna nih khua a theih hnga i an lung nih khua a hngalh ko hnga, Cun keimah leiah an i mer hnga i ka damter ko hna hnga, tiah Pathian nih a ti.’

Isaiah 6:9,10 Cucaah a ka thawh i, “Va kal law hi mi hna hi hi bia hi va chim hna: ‘Ngai lengmang hmanh u law a sullam cu nan hngal bal lai lo. Zoh lengmang hmanh u law a um lio lengmangmi hi zei thil dah a si ti kha nan hngal bal lai lo,’ va ti hna,” a ti. 10 Cun a ka thawh òhan i, “Hi mi hna nih an hmu khawh nakhnga lo le an theih khawh nakhnga lo le an hngalh khawh nakhnga lo, an lung pipter hna, an hna chehter hna law an mit cawtter hna. An hmu khawh le an theih khawh le an hngalh khawh ahcun keimah lei ah an i mer sual lai i damnak an hmu sual lai,” a ti.

Marka 4:11,12 Jesuh nih cun a leh hna i, “Pathian Pennak biathli cu nannih cu pek nan si cang, sihmanhsehlaw lenglei i a ummi hna cu bianabia lawnglawng in cawnpiak an si. 12 Cucaah Cathiang nih a chim bantukin, an zoh lengmang ko lai nain zeihmanh an hmu lai lo; an thei lengmang ko lai nain zeihmanh an hngal lai lo, zeicahtiah an hmu hnga i an hngalh sual ahcun Pathian lei ah an i mer sual lai i an sualnak kha a ngaihthiam sual ai hna hnga,” tiah a ti.

Johan 12:39,40 Cu ruangah cun an zumh khawh lonak kha a si; zeicahtiah Isaiah òhiamòhiam nih cun, 40 “Pathian nih an mit a cawtter hna i an lung a pinter hna, ‘Cu ti a si lo ahcun an mit nih khua a hmu sual hnga i an lung nih khua a hngal sual hnga i, Damnak hmuhnak ding caah keimah leiah an i mer sual hnga,’ tiah Pathian nih a ti,” tiah a ti fawn.

Rom Cakuat 11:7,8 Cun tah zeitin? Israel mi nih an kawlmi kha an hmu lo, sihmanhsehlaw Pathian thimmi mi tlawmte tu nih khan an hmu; a dang nih khan cun Pathian auhnak kha an hna an i cheh i 8 Cathiang nih, “Pathian nih an lung a pinter hna; nihin ni tiang hrimhrim hin an mit in an hmu kho lo i an hna in an thei kho lo,” a ti bang khan a si taktak.

2 Thesalon 2:10,11 a rawk dingmi hna cungah cun hlennak a phunphun kha a hman lai. Cu hna cu an rawk lai, zeicahtiah khamhnak an hmu nakhnga ding ca i biatak kha an rak cohlang duh lo. 11 Cucaah Pathian nih palhnak òhawnnak kha a thlahhnawh hna i ahmaan lomi thil kha an zumh.

Matthai 13:18-23 “Cucaah hi bianabia sullam hi ngai tuah u. 19 Lam hril i a tlami thlaici cu Vancung Pennak kong kha a theih cu a thei i a sullam a hngal òung lo mi kha an si. An chung i tuhmi thlaici cu Mi Òhalopa nih khan a chuah dih.

20 Lung tamnak hmun i a tlami thlaici cu Vancung Pennak kha a theih cangka i lungtho ngaiin a cohlangmi kha an si. 21 Sihmanhsehlaw an chungah hram a thlak lo caah saupi an rau lo. Cu kong i harnak le hremnak an hun ton tikah an i ngol zau. 22 Hling lak i a tlami thlaici cu Vancung Pennak kong kha a theih cu a thei i sihmanhsehlaw hi vawlei cung khuasak tintuknak kong i lungretheihnak le chaw le va duhnak nih cu bia cu a thah i thei a tlai lomi hna kha an si. 23 Cun vawlei òhatnak hmun i a tlami thlaici cu Vancung Pennak kong kha a thei i a sullam zong a hngalmi kha an si. Thei kha an tlai i a cheu cu a let za khat in, a cheu cu a let sawm ruk in, a cheu cu a let sawm thum in an karh,” tiah a ti.

2 Korin 3:15,16 Nihin ni tiang hmanh ah hin Moses Nawlbia an rel fate, kha puan nih khan a huh ko hna. 16 Sihmanhsehlaw Cathiang nih, “Moses cu Bawipa lei i a hun i mer ah khan puan cu aa hawk,” a ti bang khan cu puan cu aa hawk cang.

Isaiah 30:28 Zeizong vialte a fenh dihtu ti lian bantukin thlitu kha a hmaiah a kalter. Miphun tampi kha a hrawh hna i a òha lomi an khuakhannak kha pakpalawng ah a canter.

Hosea 11:3-7 Efraim kal a rak cawnpiaktu kha keimah ka si. Kut in a rak pomtu hna kha keimah ka si; 4 Sihmanhsehlaw hruainak hri in ka khiih hna i dawtnak in ka hruai hna kha an hngal lo. Ngakchia bantukin ka bel ah ka hun cawi hna i rawl khaih awkah ka kunhnawh hna. 5 Keimah lei i kir òhan cu an duh lo caah Izipt ram ah cun pei dik an kal òhan ko lai i Assiria mi cu an siangpahrang a si ko lai. 6 Ral nih an khua kha an lak dih hna lai i khua kutka hrenhnak thingtluan hna cu an khiah dih hna lai. Lungthin cheuhnak òhalo kha ka mi nih an zulh caah ral nih cun an hrawh dih hna lai. 7 Keimah cu an ka mertak cang i cu ruangah a chuakmi thil kha an hrial kho ti lai lo, An cung i an i khinhmi seihnam rit ruangah khan an ai len lai, sihmanhsehlaw ahohmanh nih an òhialpiak kho hna lai lo.

Lamkaltu 26:18 Nangmah nih an mit kha na deiter hna lai i muihnak in ceunak ah, Satan pennak in Pathian pennak chungah na nunter hna lai; cun keimah an ka zumhnak thawngin an sual ngaihthiamnak kha an hmuh lai i Pathian thimmi hna lakah an i tel ve lai, tiah Bawipa nih cun a ti,” tiah a ti.

2 Timote 2:24-26 Bawipa sal cu, aa si lengmangmi a si awk a si lo. Mi vialte cungah zaangfahnak a ngeimi, lung a saumi cawnpiaktu òha, 2 5amah a dohtu hna a chimhhrin tik hna i nem tein a chimhringmi a si awk a si. Annih cu Pathian nih an lung a thlen khawh ko hna i biatak kha a hngalhter òhan khawh ko hna. 26 Cun an lung a hung fim lai i amah duhnak tuah awkah a foih i sal ah a hrengtu hna Khuachia rap khan an luat lai.

Biathlam 3:17-19 Ka rum ko, kaa za ko, zeihmanh ka bau lo, na ti. Asinain zeitluk sifak le zaangfah awk tlak dah na si kha naa hngal lo. Na si a fak,

puan aih awk hmanh na ngei lo i na mit a caw. 18 Cucaah ruahnak kan cheuh duhmi cu, keimah sinin sui thiang taktak kha ka caw law na rum lai. Cun naa thuamhnak ding le taklawng in na umnak ningzahnak khuhnak ding caah, thil rang i cawk fawn. Cun na mit thuh awkah si zong i cawk law cuticun khua na hmu kho lai. 19 Ka dawtmi cu ka chimhhrin hna i dan ka tat tawn hna. Cucaah cun i biatak law na sualnak kha mertak hna.

2 Korin 7:10 Pathian nih a hmanmi ngaihchiatnak nih cun khamhnak lei kalpitu lungthlennak a chuahpi i cu bantuk ngaihchiatnak cu i ngaihchih awk zeihmanh a um lo. Asinain vawlei cung phung ningin ngaihchiatnak kha kan in ahcun cu nih cun thihnak kha a chuahpi.

1 Siangpahrang 18:37 Maw Bawipa, nangmah cu Pathian na si i nangmah nih annih cu an lung na kirter òhan hna ti kha mi hna nih hin an hngalh nakhnga, ka let tuah, maw Bawipa, ka let tuah,” tiah a ti.

2 Korin 4:4 Annih nih zeicahdah an zumh lo ti ahcun, hi vawlei khuazing òhalo nih hin an lungthin cu mui lakah a chiah peng hna caah a si. An cung i a ceumi ceunak cu hmu loin a umter hna, cu ceunak cu Khrih sunparnak kong Thawngòha in a rami a si i Khrih cu Pathian bantuk taktak a si.

Luka 8:11-15 “Hi tahchunhnak bia a sullam cu hihi a si: thlaici cu Pathian bia a si. 12 Lam i a tlami thlaici cu, a theih cu a theimi an si ko: asinain khuachia nih a rathnawh hna i an lung chungin thlaici kha a chuahpiak òhan hna caah a zum lo i khamhnak a hmu lomi kha an si. 13 Lung lakah a tlami thlaici cu bia kha a thei i lunglawm ngaiin a cohlang i sihmanhsehlaw an chung i thuk a pil lomi kha an si. Caan tlawmte chung lawng kha an zumh i tukforhnak a rat tikah an tlu òhan. 14 Hling lakah a tlami thlaici cu hi mi hna bantuk hi an si: Pathian bia cu an theih nain khuaruahhar vansannak le rumnak le nuamhnak nih a rialdip hna tikah an thei a hmin kho lomi kha an si. 15 Vawlei òha ah a tlami thlaici cu bia kha lungtho tein a thei i an lung chungah òha tein aa cinken i a thei a tlai tiangin aa zuammi cu an si,” tiah a ti.

Lamkaltu 15:11 Asilo, kannih zong kha kan zumh i pei Bawipa Jesuh vel thawng cun khamhnak kan hmuh kha, annih zong cu cu bantukte cun pei an si ve ko cu,” tiah a ti.

Rom Cakuat 8:13 Nan mihring sining in nan nun ahcun nan thi ko lai; sihmanhsehlaw sualnak nan tuahmi kha Thlarau in nan thah ahcun nan nung lai.